

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

V. Synodis à se indictis præscribebant judiciorum ordinem. Quod docetur aliquot exemplis. Theodosius irritum declaravit Concilium Ephesinum, quòd fines præscriptos à Principe in modo procedendi ...

urn:nbn:de:hbz:466:1-15591

& Imperij Lib. IV. Cap. III.

205

*omnia intentionem piissimi & Christianissimi
Imperatoris nostri sequamur. Prefulgere etenim
debet his gestis.*

V. Alio etiam cōque eximio jure ureban-
tur Principes in praescribendo judiciorum
ordine quā in synodis à se indicatis peragen-
da erant. Hinc profectum est ut praecipios
magistratus delegarent, qui Concilii inter-
essent, non solum ut vis publica & tumultus
acercentur, sed etiam ut ab Episcopis cogni-
tionum ordo servaretur. Quare Dionysius
Comes, ut vidimus suprà, à Constantino ad
Concilium Tyrium missus est, ut animadver-
sor esset & custos conservande equabilitatis &
ordinis. Theodosius Candidiano Comiti reti-
nendi ordinis curam in Synodo Ephesina in-
junxit; sed angustioribus finibus mandatum
coēcuit, scilicet ad submovendos tumultus
monachorum & laicorum, mutuas Episco-
porum contentiones impediendas, & suffra-
gium cuiusque liberum conservandum. Con-
cilio Ephesino secundo adfuit Elpidius Co-
mes cum Theodosij mandatis amplioribus,
nempe ut tranquillitate Episcopis procura-
ta, cognitiones ex ordine instituerentur,
qui ē τάξι μὴ προσέναι τὰ τῆς Σατῆτος.
In Concilio Chalcedonensi eminentissimi
magistratus, quo quidque ordine gerendum
sit, praescribunt. Tanta autem severitate hac
in parte à Concilii obedientiam Principes
exigebant, ut si praescriptum sibi judiciorum
ordinem egressa fuissent, quidquid neglecta
cognitionis lege decretum foret, Principes
in irritum mitterent; ut patet ex Theodosij
rescriptis adversus Synodum Ephesinam la-
tis. Theodosius omnibus Metropolitis syno-
dum generalem Ephesi celebrandam ad
Pentecosten anni quadringentesimi trige-
simi primi indixit, ut communī omnium
Episcoporum suffragio rebus Ecclesiae con-
suleretur, coram Comite Candidiano, qui
tranquillitati synodi prospiceret. Ioannes
Antiochenus Patriarcha plusquam dies
quindecim ultra conditum diem in itinere
moratus, Cyrillo Alexandrino & reliquis
patribus significat non esse quid diutius ex-
pectaretur, sēque absente de Nestorio qua-
stionem haberri posse. Itaque Nestorius, qui
Ephesi praesens aderat, tribus Edictis intra
triduum in jus vocato, & se synodo sistere
renuente, causantēque Ioannis Antiocheni
absentiam, cuius adventus intra quatriduum
expectabatur, de fidei causa deliberatum
est, atque absente Candidiano Nestorius senten-
tia omnium Episcoporum dejectus est.
Ioannes Antiochenus, qui statim post dam-
natum Nestorium Ephesum appulerat, æ-
gerrimè tulit se absente sententiam latam,
ideoque à Concilio secedens, ex triginta

Metropolitanis, quos secum duxerat, Conciliabulum quoddam coegerit, Cyrillumque Alexandrinum, & Memnonem Ephesium, veluti turbarum auctores, episcopatu deje-
cit; & vicissim Ioannes & Orientales Epis-
copi germanæ Synodi Ephesinæ judicio à
functionibus sacerdotalibus suspensi sunt.
Quibus de rebus cùm Candidianus ad
Theodosium retulisset, ille rescripto suo
quaecunque gesta erant & decreta à synodo
rescidit; ex eo scilicet capite, quod Conci-
lium integrum non fuisset, & à prescripta
literis imperialibus forma patres discessi-
sent; iussitque ut omnia de integro discute-
rentur, atque ex communi omnium senten-
tia fidei regula constitueretur. Præterea se
Legatum quendam è Palatio misurum mo-
nuit, qui, unà cum Candidiano, qua acta
essent perspicceret, eaque prohiberet qua
legitimo ordini adversarentur. Quibus ver-
bis significatur tam dejectio Cyrilli & Mem-
nonis ab Orientalibus Episcopis, quā Nef-
torij depositio, & Ioannis Orientaliumque
suspensio à Synodo Ephesina decreta. Hoc
Theodosij rescriptum magni momenti mihi
quidem esse videtur, ut fines jurisdictionis
regie, quando de politia ecclesiastica viola-
ta agitur, recte constituī possint. Etenim
Theodosius quā canonum & legum rescrip-
torūmque suorum ordine non servato gesta
sunt rescindit quidem, sed causæ ipsius in-
tegram cognitionem synodo relinquit. Cu-
stos est ordinis canonici, non autem execu-
tor canonum. Verba rescripti hac sunt:
*Proinde sacre maiestati nostra placuit talem pro-
cedendi modum nullum habere locum aut momen-
tum, his vero que incepit & citra ordinem gesta
sunt censantibus, doctrinam de pietate prius, si-
cuti decretum fuit, discuti, eamque juxta com-
munem totius synodi sententiam in posterum ob-
tinere.* Infrā: *Et quispiam è sacro nostro palatio
unà cum magnificissimo Candidiano Comite
destinatur, qui nostro iussu que acta sunt cognos-
cat, quique que legitimo ordini dissentanea sunt
prohibeat.*

C c iii